

六典通考



六興圖考



六典通考卷一百二十六

湖西閭鎮珩輯

禮制考

歷代服制

杜佑曰上古喪期無數其仁人終身滅性其眾庶有朝喪暮廢者禽獸之不若中代聖人緣人情爲作制使過者俯而就之不及者跂而及之至重者斬綰以周斷後代君子居喪以周若駒之過隙而加崇以再周焉禮記云再周之喪二十五月而畢至祥禫之節焚爇之餘其文不備先儒所議互有短長遵鄭者過禮而重情遵王者輕情而反制夫聖人所以爲練祥禫之制者以哀情

不可頓去而漸殺也聞傳云再周而禫大祥素縞麻衣
中月而禫禫而纖無所不佩中猶間也謂大祥祭後間
一月而禫也除服後一月服大祥服後一月服禫服今
約經傳求其適中可於二十五月終而大祥受以祥服
素服麻衣二十六月終而禫受以禫服二十七月終而
吉吉而除徙無所不佩

周制喪服斬縗裳苴經杖絞帶冠繩纓菅屨者謂既殯成服
斬縗裳三升苴經大槁音厄九寸左本在下去五分一以爲腰

經大七寸二分絞垂兩結間相去四寸竹杖大如腰經長齊

心本在下絞帶大五寸七分半偶結於前皆三重三重四股絞之冠

六升外縹條屬石縫菅屨外納納其餘外也縹音必居倚廬中門外東壁下倚木

爲廬北
向開戶
寢苦枕由哭晝夜無時歆粥朝一溢米夕一溢米不

食菜果寢不說經帶義服所異者縗裳三升半繩屨餘與正

同斬者不緝也苴者麻之有蕢也服上曰縗下曰裳在首在腰皆曰經經之言實也明

孝子有終實之心故爲制此服焉首經象緇布冠之類腰經

象大帶又有絞帶象革帶齊縗以下用布盈手曰褊扼也中

人之扼圍九寸以五分一以爲殺者象五服之數也屬猶著

也通屈一條繩爲武垂下爲纓著之冠也布八十縷爲一升

升登也雜記曰喪冠條屬以別吉凶三年之練冠亦條屬右

縫小功以下左縫外繹者冠前後屈而縫于武也二十兩爲

溢一溢爲米一升二公士大夫之眾臣爲其君布帶繩屨士卿

士也公卿大夫厭于天子諸侯故降其公卿大夫室老貴臣

眾臣布帶繩屨貴臣得伸不奪其正也

也其餘皆眾臣也君謂有采地者皆曰君眾臣杖不以卽位

女子子在室爲父布總六升長六寸箭筈長一尺髻縗三年

女子子者女子也加一子別于男子也在室間已許嫁此女

子之喪服之異于男子也總束髮也六升象冠素也長六寸

者出紒後垂爲飾謂之總者既束其本又總其末也箭篠也
髮露紒也猶男子之斂髮也斬紒斂髮以麻則髮亦用麻矣
以麻自頂而前交于額上卻繞紒後如著慘頭焉凡服上曰
紒下曰裳此言紒不言裳婦人不殊裳也紒如男子紒下如
深衣則紒無帶下又無袷矣陳銓曰總束髮笄支紒也不曰
紒裳婦人紒而不裳雷次宗曰紒若當心六寸布也在衣則
衣爲紒在裳則裳爲紒男子離其紒裳故紒獨在衣
上婦人同爲一服故上下共其稱也縹音七焦反 三月而

卒哭男子受以六升布爲紒裳七升布爲冠纓帶亦如之一

辟博三寸偶結于前薦屨內納葛經首經大七寸五分寸之

一右本在上五分首經去一以爲腰經大五寸二十五分寸

之十九參樛之食麤食水飲翦屏柱楣寢蒲席翦而不納朝

夕卽位哭婦人亦以六升布爲連裳七升布爲總葛洪云子爲父三月

既葬草屨內納廬則柱楣翦屏屏者廬前屏也其廬所爲之
屏也而更作外障以爲之作廬先橫一木長梁著地因立細
木于上以曲就東墉以爲之草被之既葬則翦去此草之拍地以
短柱短柱起此橫梁之著地謂之柱楣楣一名梁既舉此梁

乃得於廬外作障但不用泥之諸侯始作廬者便有屏而未泥之既葬乃泥之既柱起梁又立小障以辟風凶事轉輕

十三月小祥而練除首經受以七升布爲褰裳練冠素纓中

衣黃裏縗爲領袖緣以練帶繩屨無絢其腰褰縮一股去之

飯素食自葬蔬食至練却素食也有菜茹鹽酪之和未有醯醬居室之望

在中門外屋下西向開戶嫡子在前庶子在後哭無時哀殺

十日五日可也葛洪云小祥中衣黃爲裏縗爲領袖緣縗者紅之多黃者也宋凱云小祥祥者吉也故褰

裳無負版及心前褰辟領去首經小祥祭則櫛稍自節二十五月大祥朝服縗冠既祥

改服十五升布深衣領袖緣皆然素冠縗紕素中衣領袖緣

帶皆然去腰經棄杖白麻屨無絢食醯醬乾肉出堊室始居

內寢杜元凱云二十五月大祥祭主人夕爲期朝服縗冠訖祭而受以布深衣十五升外無哭者謂哀至入卽位而

哭也崔凱云大祥居外寢平常所聽外寢事也縗冠素紕紕者以素緣冠兩邊各二寸二十七月而禫

元衣黃裳而祭祭畢更服朝服以黑經白緯爲冠而綵纓編

帶緣中衣吉屨無絢革帶得佩紛帨之屬如其平常寢有牀

猶別內始飲醴酒踰月復吉三年之禮成矣疏縗裳齊牡麻

縗冠布纓削杖布帶疏屨三年者謂齊縗三年旣殯成服以

麤縗四升爲縗裳六升爲冠纓布帶代絞帶牡麻經大七寸

二分右本在上五分去一丈五寸六分以爲腰經削桐木爲

杖杜元凱云圓削之象竹取其便也王肅云削爲四分長與心齊下本大如腰經薦蒯

爲屨食粥居廬與爲父同五不食齊者緝也牡麻者麻之無

子者馬融曰在上指右故曰右本鄭元曰齊縗不書受月者亦天子諸侯及卿大夫士庶卒哭異數也王肅曰疏以

名衰輕乎斬也斬不同數麤可知也承裳以齊制而後齊也因縗而斬斬而後縗也陳銓曰右本在上麻本從左未加右

之上也薦蒯草名也孔倫曰右本在上爲母本於陰而統外也女子子在室白布總七升長

八寸一辟博一寸惡筭用榛木長尺用白布紃之博五分白布七升爲帶無腰經深衣不裳居房中張帷爲次至虞不變者三筭總帶也旣卒哭受以八升布爲纓裳冠九升布纓帶中衣領袖緣亦然服葛經首經大五寸七分半腰經四寸六分十三月小祥除首經練九升布爲冠纓武亦如之其他祥禫變除與斬纓同踰月復平常疏纓裳齊牡麻經冠布纓削杖布帶疏屨周者謂齊纓杖周降服四升爲纓裳冠纓皆七升正服五升爲纓裳冠纓皆八升義服六升爲纓裳冠纓皆九升冠皆右縫內緹經帶與三年同不杖麻屨者謂不杖周成服五升布爲纓裳八升布爲冠纓經帶大小與杖周同居聖室食素食水飲寢有席薦不納斷木爲枕不脫經帶朝夕

卽位哭殯大功布緌裳牡麻無受者謂殯降大功成服七升
布爲緌裳十升布爲冠纓帶中衣領袖緣牡麻爲首經大五
寸七分半腰經四寸六分不絞其垂唯中殯七月者不纓經
繩屨張帷爲次於內門外屋下哀至而哭素食有醯鹽旣葬
除經帶食菜果寢居內凡殯大功以上中從上小功以下中
從下大功布緌裳牡麻經纓布帶三月受以小功緌卽葛九
月者謂成人大功成服八升布爲緌裳冠十升義服九升布
爲緌裳其冠十一升經帶與殯同旣葬皆受以十升布爲緌
裳冠十一升變麻經服葛經絞之九月除朝服素冠吉屨無
絢踰月復吉殯小功布緌裳澡麻帶經五月者謂殯降小功
十升布爲緌裳十二升澡麻

去苧垢也

絕本

去本邊惡處也

爲經大四寸

六分腰經大三寸七分散垂唯周之下殤降在此者其帶不絕本屈而反至腰而絞之張帷爲次哀至而哭食有醯醬菜茹葬而除經食乾肉飲醴酒寢有牀五月除小功布縗裳卽葛五月者謂成人小功成服十一升布爲縗裳義服十二升布爲縗裳冠同十二升亦澡麻絕本爲經帶寢有牀哀至而哭旣葬除麻受葛經大三寸六分腰經大二寸九分縗裳如故寢居內至除受以朝服素冠踰月復吉總麻三月者謂總麻之喪成服降正義同以七升半布總而疏之爲縗裳及冠纓帶首經亦澡麻絕本大三寸七分腰經大二寸九分吉履無絢寢有牀飲酒食肉不至變色旣葬受以朝服素冠踰月復吉

漢文帝始革三年喪自後天下遵令無復三年之禮成帝時丞相翟方進事後母孝謹母終既葬三十六日除服視事白以爲身備漢相不敢踰國家典章及薛宣弟脩服母喪三年宣曰人少能行之遂兄弟不同宣卒以此獲譏于世袁夢麒曰宣方進俱位大臣而所行若此其俗可以見矣考宣紀地節四年令民有大父母父母喪者勿繇事使得送終盡其子道哀紀令博士弟子父母死予寧二年揚雄傳注云漢律不爲親行三年喪不得選舉凡此皆詳于士民而略于百官公卿又何意耶至平帝時王莽母死但服天子弔諸侯之服一弔再會而已而令子新都侯宇服喪三年

徐天麟曰兩漢喪服之制雖不合于古禮然士大夫至孝出于天性者未嘗不服三年之喪在西都則公孫宏原涉河間王良在東京則桓榮韋彪鮑昂及東平王敞東

海王臻兄弟皆事親盡愛送終竭哀二史書之以爲罕見所以貶俗之不能盡其通喪也

後漢安帝初令長吏非父母服不得去職是後吏居官不行三年喪服後又開長吏以下告寧言事者或以爲刺史二千石宜從此制帝從之建元元年尙書孟布奏宜復如建武永平故事絕刺史二千石告寧及父母喪服又從之至桓帝永興二年復令刺史二千石行三年服永壽二年使中常侍以下行三年服至延熹元年又絕之

袁夢麒曰元初中鄧太后詔長史以下不爲親行服者不得典城選舉時有上言牧守宜同此制詔下公卿議者以爲不便司徒劉愷獨言刺史一州之表二千石千里之師

尤宜尊重典禮尙書陳忠亦言孝宣皇帝舊令人從軍屯及給事縣官者大父母死未得三月皆勿繇令得葬送請依此太后皆從之而尙書令祝諷等奏以爲孝文定約禮之制光武絕告寧之典不可改忠復上疏爭之而宦豎不便卒寢忠奏桓帝時荀爽又言漢爲火德火生於木木盛於火故其性爲孝今以公卿二千石三年之喪不得卽去非所以增崇孝道克稱火德也天下通喪可如舊禮三子之言如此而卒不得復三年之制也

魏令曰官長卒者官吏皆齊衰葬訖而除之

蜀譙周云大夫受畿內采邑有

家臣其下屬皆止相屬其吏非臣也秦漢無復采邑郡縣吏權假斬衰代至則除之尙書左丞王昀除陳相未到國而王薨議者以爲宜齊衰或云無服王肅云昀

至許昌聞王薨姓名未通君臣未定禮不責人之所不能義未正服君臣之服曾子問曰娶女有吉日而女死如之何孔子曰壻齊衰而弔既葬而除之夫死亦如之各以其服如服斬衰斬衰而弔既葬而除之今喪未入國而王薨義與女未入門夫死同宜服斬衰既葬而除詔如肅議太尉蔣濟論禮嫂叔無服誤據小功章娣姒婦此三字嫂叔之文也古者有省文互體言弟及兄并嫂矣娣姒者兄弟之妻蓋夫之昆弟昆弟之妻相與皆小功也

晉泰始四年尙書何禎奏故辟舉綱紀吏不計違適皆反服舊君齊衰三月詔下其奏所適無貴賤同依古制尙書問天子崩司州及河南郡吏出入導從應易服制不博士卞樞答

云禮庶人在官者服齊縗三月近臣服斬導從出入皆應從服又問服隨君輕重今司隸服斬下吏服齊爲合禮不卞權答凡臣從君皆降一等今牧守皆古諸侯以禮相況輕重宜矣又問禮義服不從今司隸爲君斬縗義服也下吏爲從不每降一等當爲君喪其親者耳古今行事復云何推答禮庶人爲國君齊今則不服然吏若都官從事有職司于喪庭者宜依庶人在官義耳義服不從謂近臣服君斬服之縗依降一等者之差耳又問諸二千石長吏見在京城皆應制服不卞權楊雍應琳等上云禮臣爲君斬縗自士以上見在官者皆應制服又尙書問改葬應虞與否按王肅喪服記云改葬總旣虞而除之賀循曰凡移葬者必先設祭告墓而開塚從

墓至墓皆設奠如將葬朝廟之禮卽設奠於墓所以終其事
雖非正虞亦似虞之一隅也但不得如常虞還祭殯宮耳又
晉新禮弟子爲師齊衰三月摯虞駁曰仲尼聖師止弔服加
麻心喪三年淺教之師暫學之徒不可皆爲之服或有廢興
悔吝生焉宜定新禮無服如舊永和十二年修復峻平四陵
至尊百官皆服總尙書符問皇太后應何服博士曹耽胡納
議元帝繼武帝於康帝爲曾祖禮爲曾祖後斬衰三年小記
與諸侯爲兄弟者斬衰則無齊皇太后宜正服斬衰改葬當
總遂上皇太后總服或問曾祖墓從祖墓毀發哭制云何范
宣曰經改葬總此施臣子承嫡者依此
禮非嫡有降但三建元元年成恭杜皇后周忌有司奏至尊
日哭從祖一日哭期年應改服詔素服如舊穆帝時東海國言哀王薨踰年嗣